

**COMUN:** En dedemesaledema, ai 18 de jügn, sará la firma ICA spa te comun (salf dl consëi) dales 9.30 ales 12.00 por dé indô fora ai residënc i abonamënc anuai (1 abo anual por un n auto por familia a 20,00 euro) por podëi parché tles plazes de Börz, Pedebörz y Pares y Cialciara.

**SANITÉ:** La doturia Grete Mahlknecht é demez dai 16 ai 27 de jügn y vëgn sostituida dal dotur Eduard Agreiter 333 13 80 852.

L'apoteca Pütia é stlüta dai 15 ai 22 de jügn.

## PLOANIES SAN MARTIN Y LUNGIARÜ

Incö, Pasca de Ma sö Oies mëssa dales 16.00 cun le grup de mitans "CorUsc" da San Martin.

Les Prozesciuns sö La Crusc (en chësc Ann Sant ) scomëncia la sabeda, ai 14 de jügn; la prozesciun pëia da Badia demez dales 7.30 y dales 9.30 él mëssa tla dlijia da La Crusc. Le lift jará pormó de messé.

Döt le program é metü fora sön la tofia dan les dlijies.

Incuntades de oraziun y catechesa tla dlijia da Oies: en sabeda ai 14 de jügn, dales 19.30, y en domënia ai 15 de jügn, dales 15,00 inant, cun pater Giacobbe Elia, esorzyst, y dotur Federico Fagioli, psichiater catolich.

Invit al'ora d'oraziun en vëndres, ai 13 de jügn, dales 20.00, tla stüa dla ciasa de nosc Sant a Oies. Ara gnará tignida en forma de oraziun de Taizé.

Tla Facolté de Teologia a Porsenú vëgnel metü a jí n curs nü por tigní Zelebrazjuns dla Parora de Dî. Cun chësc pón spo ciafé dal Vësco la inciaria por le sorvisc de condutur/ia dla Zelebrazjuni dla Parora de Dî. Le curs mët man ai 25 d'october 2025 y vá inant por indöt 11 sabedes, dales 8.30 ales 17.00, y se stlüj jö cun 4 dis amez de jügn 2026 (ciara ince tla plata web dla diozeja). Chi che á interes por chësc curs dess se mëte en contat cun siur Klaus o le/la président/a dl consëi de ploania por ciafé informaziuns plü avisa. Le termo por se scrí ite é le 30 de setëmber 2025.

La Comisciun Diozejana por Spiritualité mët a jí na spazirada meditativa en sabeda ai 14 de jügn dales 10.45 da San Linert sö Oies cun mëssa y n'agape, a chëra ch'al vëgn danter l'ater invié i conduturs/ies dla Liturgia dla Parora y chi che é interessá.

## LUNGIARÜ

I oressun ti dí de cör n dilan fort a dötes chës porsones che s'á cruzié y é gnüdes a daidé lavé la dlijia. Bel dilan y che Idi s'al paies. Le consëi de cöra.

En Cör de Gejú, ai 29 de jügn, tignunse la prozesciun eucaristica a Lungiarü. Les uniuns é dér bel periades da chirí porsones da porté les statues, le cil y i.i.

I seniors y les seniores da Lungiarü é dér bel inviá/des ala spazirada d'aiscioða sön Armentara le vëndres, ai 13 de jügn domisdé. I s'abinun sön plaza dlungia le Sanvi dales 12.00 y jun cun la coriera a La Val. Dailó inant cun le taxi cina sura Furnacia y spo a pe sön Armentara sö dala „Ütia Ranch“. Derevers gヌnse a pe cina jö Lunz y spo cun la coriera a ciasa. (Da dér bur tëmp ne junse nia.)



unitepastorala.org

# Plata dles Ploanies San Martin y Lungiarü

ploan siur Klaus Sottas 344 15 54 055 - klsottas@rolmail.net  
redaziun: anton.gasser@rolmail.net - 348 27 44 517 / 0474 523194

**08.06. - 15.06.25 n. 28**

*termo por comunicaziuns: jöbia, dales 20.00*

## PASCA DE MA

### Vangele do san Jan 14, 15-16.23b-26


Te chël tëmp à dit Gejù a sü discepui: Sc'i m'orëis bun, se tignarëise a mi comandaménç. I periarà le Pere, y al ves darà n ater paraclét, por ch'al restes pro os por dagnora. Sce un m'ô bun, se tignaral a mia parora; mi Pere ti orarà bun y nos gnarun da d'ël y abitarun pro d'ël.

Chël che ne m'ô nia bun,  
ne se tëgn nia a mia parora.

Y la parora che os aldis,  
ne vëgn nia da mè,  
mo dal Pere, che m'à menè.

Chësc ves ài dit,  
ćiamò tratan ch'i sun pro os.  
Le paraclét, le Spirit Sant,  
che le Pere menarà te mi inom,  
chël ves insignarà döt y  
ves recordarà döt ci ch'i ves à dit.

*Spirit de Dî, recórdesse la noela de Dî  
vigni iade ch'ara manacia te nos da smarí  
y ch'i minun instësc da savëi döt cant.  
Inségnesse da desfarenzié le bëgn dal mal.  
Implësc nûsc cörs cun umilté ch'i ne deventunse nia superbi,  
ilominëia nosc ponsé cun sapiëンza ch'i tolunse les dërtes dezijiuns,  
scinchi amur a nostes parores ch'ares portes pro ala vita.*



EDEMA - C	SAN MARTIN	LUNGIARÜ	
<b>08.06.25 PASCA DE MA</b>	<p><b>10.00</b> <i>degöna Corona (don Marco)</i>  <b>Mëssa solëna por la comunità</b>  + Rosalia Chizzali Ploner, dl ann  + Giovanni Untereweger, dl ann  + Anna Frenes Castlunger</p> <p><b>19.00</b> <b>Ora d'adoraziun al Spirit Sant</b></p>	<p><b>7.50</b> <b>Adoraziun (1<sup>a</sup> pert)</b>  <b>8.15</b> <b>Mëssa solëna por la comunità</b>  de rengr. fam. Berto Clara  de rengr. fam. Domenico Clara  + Amalia Mischi  aniv. + Maria Daporta, Grones  dl ann + Sabina Clara, Seres</p> <p><b>dedô Adoraziun (2<sup>a</sup> pert)</b></p>	 <p><i>De jügn periunse do l'intenziun dl Papa: Por che le monn crësces tla compasciun: I periun che vignun y vignöna de nos ciafes consolaziun tl raport personal cun Gejú y impares da sö Cör la compasciun por le monn.</i></p>
<b>09.06.25 Lönesc de Pasca de Ma   Maria, Uma dla Dlijia</b>	<p><b>9.30</b> <b>Ora d'adoraziun (pater Franz)</b>  <b>10.00</b> <b>Gran Mëssa por la comunità</b></p>	<p><b>7.50</b> <b>Corona (siur Klaus)</b>  <b>8.15</b> <b>Gran Mëssa por la comunità</b>  por fam. Planatscher  + Alberta Daporta</p>	
<b>10.06.25 Heinrich da Balsan Dedolönesc</b>	<p><b>8.00</b> <b>Mëssa</b>  + Sepl Trebo, Pension Tor, dl ann</p>	<p><b>19.30</b> <b>Corona tla capela de S. Ojöp Fr.</b></p>	
<b>11.06.25 Barnaba, Paula Dedemesaledema</b>		<p><b>7.30</b> <b>Mëssa</b>  + + Maria y Paul Castlunger  por les püres Animes</p>	
<b>12.06.25 Hildegard Burjan Jöbia</b>	<p><b>8.00</b> <b>Mëssa</b> - mëssa votiva al Spirit Sant  por studënc/tes che á ejams</p>		
<b>13.06.25 Vëndres Antone da Padua</b>	<p><b>8.00</b> <b>Mëssa (siur Klaus)</b>  <b>de rengraziamënt dl ann de scora</b></p> <p><b>19.00</b> <b>Prozesciun a Picolin (don Marco)</b></p> <p><b>19.30</b> <b>Mëssa en onur de Sant Antone</b>  + Ferdinand Flöss, dl ann</p>	<p><b>10.00</b> <b>Mëssa (siur Klaus)</b>  <b>de rengraziamënt dl ann de scora</b>  + Sepl Clara, Sanvì  aniv. + Filomena Clara, Brocia</p>	
<b>14.06.25 Meinrad, Fortunat Sabeda</b>	<p><b>18.30</b> <b>Mëssa prefestia</b>  de rengraz. fam. Otto Schanung  + + Zingerle, Col</p>		
<b>15.06.25 FESTA DLA TRINITÉ Domënia dles Families sot al motto: "vire cun speranza"</b>	<p><b>9.30</b> <b>Corona (siur Klaus)</b></p> <p><b>10.00</b> <b>Gran Mëssa por la comunità</b>  def. geniturs de Hannele y Sepl Frenner  + + + siur Bertrand, Maria y Paula Vollmann</p> <p><b>13.30</b> <b>Prozesciun ex voto sö La Crusc</b>  dala Cialciara demez</p>	<p><b>7.50</b> <b>Corona (don Marco)</b></p> <p><b>8.15</b> <b>Gran Mëssa por la comunità</b>  por fam. Albert Dapoz  + + Zilia Daporta y Franz Pezzei, Ghestan</p> <p><b>14.00</b> <b>Bato de Sharon Clara</b>  <b>de Marco y Valeria Vella</b></p>	<p><b>Ví, Spirit Sant, a fá döt nü</b></p>  <ol style="list-style-type: none"> <li>1. Ví, Spirit Sant, a fá döt nü,  cun forza ví a nes implí,  cun tüa parora y to fle  ví a cherié y renové.</li> <li>2. Consoladú ví jó dal alt  y dlungia stái a chi ch'é stanc;  raiëia fora löm y füch  ch'i dá ai debli slöm danü.</li> <li>3. Ortié da Dî onipotënt  cun gran sciosciüre y n dër vënt,  ch'i ströms se mëtes a baié  y aldes dük la verité.</li> <li>4. Inflama cör y sentimënt  y döt nosc fá tl amur rovënn;  bëgn debli é nosc corp y sanch  d'arjunje ci ch'é bun y sant.</li> <li>5. Ví, Spirit, tëgn le mal dalunc  y fá varëi la pesc indlunch;  condüjesse por le dër tru  y fásse crësce tla virtú.</li> <li>6. Tl amur de Crist le Fi de Dî  nes oste lié al Per' dl cil;  dla vita che i un da te  dilan y lalt tl'eternité.</li> </ol>